

rezultato en entrepreno : *se malriĉulo* ~as, li ĉiujn forgesas Z ; kiun la sorto kuresos, liu ~os Z ; ~i en, pri io ; fine li ~is altiri la atenton. Kp PROSPERIT, NONSTATI, FLORI. ~o. Feliĉa atingita rezultato : *liaj verkoj havis, akiris, ricevis, guis, atingis entuziasman* ~on. Mal~i. Ne ~i (Kp BANKROTI, FIASKI, RUINIĜI).

* **Sukero.** Kristaleca blanka dolĉa substanco, konsistanta el karbono, hidrogeno k oksigeno, k ekstraktata el diversaj veg-oj, precipe el ~kano k el beto. ~l (tr). Dolĉigi per ~o. ~ajo. ~ita frandaĵo. ~ajejo. Butiko, kie oni vendas ~ajojn.

sulfo ☿. Mallongigita nomo de la sulfuro, kiun oni uzas en la nomoj de feniliaj kombinoj : ~alo ; ~ata, ~ita anhidrido.

* **Sulfuro** S. Flava solida senodora, facile fandebla k brulema metaloido, kiun oni trovas en la vulkanaj elsputaĵoj aŭ ekstraktas el metalaj kombinaĵoj.

* **Sulko.** 1 Lonforma rekta fosajo farita per plugilo en la tero : *la plugilo tranĉas* ~ojn Z. 2 (f) Longforma rekta kavajo aŭ kavajeto : *la vento plugas sur la rivero grandajn* ~ojn B ; *la tempo ĉizis* ~ojn sur lia frunto ; *tempia* ~aro. Kp FALDO, FALTO. ~l (gl). Fari ~ojn : *li ~is la frunton Z* ; ~igi la brovojn ; *venteto ~etigis la akvon* (Kp PLUGI). ~lgi. Pleniĝi per ~oj : *vijaj vangoj iam ~iĝos* ; *liaj brovoj mal~iĝis* B. **Voj** ~o. ~o farita en vojo per radoj de veturiloj ; vojokavo : (f) *la plejmulto trenigas en la voj~oj de malnovaj kutimoj* ; (f) *la voj~o de la rutino*. **Sov** ~o. Entranĉo farita laŭlonge en ligno aŭ metalo por enŝovi ion en ĝi (Kp FORNO).

Sultano. 1 Mahometana aŭtokrata regnestro. 2 Turka imperiestro.

* **Sumo.** 1 Rezultato el adicio de pluraj kvantoj : *5 estas la ~o de 3 k 2* ; jen la ~o de miaj penoj. 2 Difinita kvanto da mono : *devontigi sin al la pagado de grandaj* ~oj Z. ~e. 1 Ĉion adiciante. 2 Ĉion konsiderante. Kp ENTUTE. ~lgi. Adicii. **Re** ~o. Mallongigo de io pli longe dirita (Kp SKEMO, SKIZO). **Re** ~l (tr). Mallongige esprimi per malmultaj vortoj la esencon k la precipon de tio, kio estis dirita pli longe (Kp REDUKTI). **Re** ~e. Mallonge, malmultvorte.

* **Suno.** 1 Centra lumiga k varmiga astro de nia planedaro : *mi estas la plej*

feliĉa homo sub la ~o Z ; *post vetero malbela lumas ~o plej hela Z*. 2 Centra astro de io alia planedaro. 3 ~aj radioj trafantaj la suprajn de nia terglobo : *ni guis agrablan* ~on. 4 Bildo figuranta aŭ simila la ~on. ~floro. Helianto.

* **Supo.** Manĝaĵo konsistanta el akvo, en kiu oni kuiris legomojn k ankaŭ kelkoje viandon k en kiu oni trempas pecojn de pano : *inter la mano ĝis la buŝo ofte disversigas la ~o Z* (la esperitaĵo neefektiviĝas. Vd INTERSPACO, TRO FRUE).

* **Super.** 1° Prep. montranta : 1 Pozicion de objekto rilate al alia, kiu estas lokita pli malalte k ne tuŝas ĝin : a) (sen translokigo) : *la suno estas ankoraŭ ~ la horizonto* ; ~ *la tera sin travas aero Z* ; *mi donis pluvon ~ iu urbo k ne alia Z* ; *unu fenestreto, malfermiĝanta ~ la tegmento, donis ne sufiĉan lumon Z* ; *tenante la manojn ~ la okutoj li rigardadis Z* ; *salika staras ~ la rivero Z* ; *la termometro montras du gradojn ~ la nulo* ; *nijaj kapoj en la duŝo de tutaj horoj estis klinitaj ~ la laboro Z* ; *Josef kisis siajn fratojn k ploris ~ ili Z* ; *li sidas en ŝuldoj ĝis ~ la ŝultroj Z*. b) (kun translokigo) : *levu standardon ~ la popoloj Z* ; *flugilojn viajn ~ mi elendu Z* ; *lia okuto vagadis ~ la bela ĉirkaŭaĵo Z* ; *la vespera ombro etendiĝas ~ la kamparo* ; ~ *tiu fidela reprodukto de la stalema societo, la pentristo metis sian propran imaginan ĉielon* ; *ŝi tevis la kapon de ~ (de sur) la kuseno, sur kiu ŝi apogis sin antaŭ momento Z*. Rim. : Kun super en tiu senco oni ordinare ne uzas akuzativon, kiu tamen restas korekta se temas pri ia translokigo : *la fiŝoj elsaltis ~ la akvon Z* ; *elendu vian manon ~ la riverojn k la lagojn Z* ; *la suna leviĝis ~ la teron Z* ; *la ukvo ŝprucas alle super nin Z* ; *la aersipo flugas ~ la landon Z* ; *la potenca metala sono trakuris la korlojn, resaltis de tu dikaj muroj de l' templo k forflugis ~ la trilitajn kampojn B* ; *la krespusko sin mallevas ~ nin*. 2 Pozicion de io aŭ iu, kies forto, grado aŭ rango estas pli alta ol tiu de alia : *tio estas ~ ĉiuj homaj fortoj*, ~ *mia povo* ; *mi konas nenion ~ tio Z* ; *tiuj kvalitoj metas esp-on ~ la uliaj internaciaj lingvoj* ; *ni devas meti nian komunan celon ~ ĉiuj forgesindaj disputoj* ; *vi devas suprenlevi vin ~ (malŝati) tiuj*